

Tangrivedim nostro caro turciman piezo de dicto ambador, che in cinque mesi quando portarà le duo page, che ne deba portar o li danari o el savon, et sel fallirà se pageremo dei consuli. Per tanto fate quello ve scrivemo non vegna a mancho, che l' porti ditto ambador o li danari o el savon con le duo page. Idio vi conservi; scrite a 10 del mese dell' anno 94 de Machometh.

La mansion. A li amati e chari et sapienti Andrea Venier, Bortolo da Pexaro et Ambroxio Contarini signori ne li cristiani, dilecti a la fede et signoria, che sono al regno de Cypro mandati da la Signoria di Venecia.

Copia de la poliza del presente dil soldam a la Signoria, trata da la morescha.

Una sella d' armento dorada.
 Uno pannelo.
 Una coverta de troncha filà.
 Quattro peze de zambeloto.
 Benzoi rotoli 15, cajerini.
 Legno aloe rotoli 10, cajerini.
 Zibeto, uno corno, quattro onchie.
 Sesse de 50 pichi, peze do.
 Sesse de 40 pichi, peze do.
 Porzelane, merzori otto.
 Porzelane, piadane quattro.
 Porzelane, seudele due.

Et come sono sta presentadi per l' orator al luogotenente e consejari, et sono posti in una cassa a questo modo come par qui soto, et prima :

Una vesta di seda moresca de più colori, fodrata de armelini.

Una sella da cavalo coverta di veludo cremesin, lavorata larzon, davanti e da drio d' armento dorado al consueto, con la sua coverta di cuoro, *tamen* senza panicello sotto.

Una coverta di gropa da cavalo, lavorada ad ago, d' oro con suoi fiocchi di seda.

Peze 4 de zambeloti bianchi de seda, voltadi in le sue carte.

Peze 4 de sessa.

Pezi 14 de porzelana, e uno corneto de zibeto sopra ligato, el qual fu posto in la busteta del benzoi e aloe.

Una busteta ne la qual è uno pezo di benzoi pesato libre 15, e pezeti di legno aloe libre 9 onze 3, ne la qual busteta *etiam* è il dito corneto di zibeto.

Una scatoleta con bussoli 10 de thyriacha.

Item, scatolete 10, in cadauna de le qual sono bussoleti 2 piccoli di thyriacha, et pirioli 4 de vero, dicono esser polvere da ochi, excepto una di dite 10 ne la qual sono *solum* pirioli 3 e li 2 bussoleti de thyriacha; et in cadauna di le dite 10 scatole, ne la parte di sopra sono certi pezeti de legni et misture in pocha quantità. E questo è il presente dil signor soldam.

A di 13 april. In collegio vene sier Antonio Chocho, fo a le cazude, qual era stato in prexom et expedito in 245
 quarantia, dicendo esserli sta fato questo per haver tenuto le raxon di la Signoria nostra, et fato pagar quelli erano debitori, e a sier Polo Trivixan el cavalier e altri. Or per el principe fo confortato havesse pacientia e missier Domenedio lo restituera. Vene l' orator de Urbim al qual li fo ditto, consultato prima col collegio, che l' suo signor indusiasse a venir qui questa pasqua di mazo.

Vene un orator di Trani chiamato et espose alcuni capitoli. Fo comesso aldirlo ai savij di terra ferma, et fo expedito il soracomito, et ordinato li sia dato la galla.

Vene l' orator de Milan dicendo in consonantia di le lettere venute eri: come el suo signor havia gran contento dil laudo; et li fo risposto per el principe che la sententia era inexpectata et contra le promesse ne fu fate; poi esso orator ricomandò suo cuxin general de humiliati, per la lite ha con domino Hironimo Lando, ai cai di X.

De Antivari, di sier Nicolò Dolfin e sier Bernardin Loredan synici in colfo. Scriveno contra sier Bernardo da Canal *olim* podestà li: che havia portato il sorabondante e li libri via, *unde* fu mandato per sier Giacomo suo fiol era XL qual vene, e presentò il libro e ducati 100, quali fono mandati a li camerlengi in deposito, et ordinato a copiar il libro et mandarlo a li synici *juxta* la richiesta.

Da Corphu, dil rezimento, di primo marzo. Non fo lete.

Questa matina fici balotar monition per Cataro, Corfù e Corom, non senza gran faticha perchè el principe mi era contra.

Da poi disnar fo consejo di X con zonta dil collegio.

Noto. Come in una torre di Noal dil castello fo divulgato esser spiriti; era podestà sier Francesco Pasqualigo, fo roto et niente fo.

A di 14 april. Domenega in collegio fo parlato zerca le lettere di cambio, haveano li tre capi spagnoli qualli erano qui a la porta di collegio, et fu